

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA KUMI NA MOJA**

**17 APRILI, 2018**



## **ORODHA YA SHUGHULI ZA LEO**

### **MKUTANO WA KUMI NA MOJA**

**KIKAO CHA KUMI NA MOJA – TAREHE 17 APRILI, 2018**

**I. DUA:**

**II. HATI ZA KUWASILISHA MEZANI:**

**WAZIRI WA KATIBA NA SHERIA:**

Randama za Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2018/2019.

**WAZIRI WA NCHI, OFISI YA MAKAMU WA RAIS (MUUNGANO NA MAZINGIRA):**

Hotuba ya Makadirio ya Mapato na Matumizi ya Ofisi ya Makamu wa Rais (Muungano na Mazingira) kwa Mwaka wa Fedha 2018/2019.

**MWENYEKITI WA KAMATI YA KUDUMU YA BUNGE YA KATIBA NA SHERIA:**

Taarifa ya Kamati ya Kudumu ya Bunge ya Katiba na Sheria kuhusu Utekelezaji wa Majukumu ya Ofisi ya Makamu wa Rais (Muungano) kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2018/2019.

### **MWENYEKITI WA KAMATI YA KUDUMU YA BUNGE YA VIWANDA, BIASHARA NA MAZINGIRA:**

Taarifa ya Kamati ya Kudumu ya Bunge ya Viwanda, Biashara na Mazingira kuhusu Utekelezaji wa Majukumu ya Ofisi ya Makamu wa Rais (Mazingira) kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2018/2019.

### **III. MASWALI:**

#### **OFISI YA RAIS (TAMISEMI):**

#### **87. MHESHIMIWA SILAFU JUMBE MAUFI (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali ilitoa shilingi milioni 300 kwa ajili ya kukamilisha ujenzi wa barabara ya kutoka Namanyere Makao Makuu ya Wilaya ya Nkasi hadi Ninde yenye urefu wa Kilometa 40

lakini hadi sasa ujenzi wa barabara hiyo bado haujakamilika:-

(a) Je, ni lini Serikali itafuatilia na kuchunguza matumizi ya fedha zilizotolewa na kuchukua hatua ili ujenzi wa barabara hiyo uweze kukamilika;

(b) Je, ni lini Wananchi wa Ninde wataondokana na changamoto ya barabara.

**WIZARA YA VIWANDA, BIASHARA NA UWEKEZAJI:**

**88. MHESHIMIWA CECILIA DANIEL PARESSO  
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Wananchi wengi wa Tarafa ya Eyasi katika Wilaya ya Karatu wanajishughulisha na Kilimo cha Vitunguu Maji, hata hivyo mavuno yanayotokana na kilimo hicho hupimwa kwa debe yanapouzwa badala ya kilo:-

Je, ni kwa nini Serikali isihakikishe na kusimamia uuzwaji wa mazao haya kwa kutumia kilo badala ya vipimo vya debe.

**WIZARA YA UJENZI, UCHUKUZI NA MAWASILIANO:**

**89. MHESHIMIWA HASSANI SELEMAN KAUNJE  
(LINDI MJINI):**

Atamuuliza Mheshimiwa Waziri wa Ujenzi,  
Uchukuzi na Mawasiliano:-

Je, ni lini Serikali itaanza kujenga kwa kiwango  
cha lami barabara ya Ngongo-Ng'apa-Milola  
ambayo ipo chini ya TANROADS.

**WIZARA YA HABARI, UTAMADUNI, SANAA NA  
MICHEZO:**

**90. MHESHIMIWA NURU AWADH BAFADHILI  
(VITI MAALUM):**

Atamuuliza Mheshimiwa Waziri wa Habari,  
Utamaduni, Sanaa na Michezo:-

Je, Serikali ina mkakati gani madhubuti wa  
kuhakikisha Vijana wetu wanakuwa na maadili

pamoja na silka na desturi za Kitanzania kama walivyo Wazazi wao.

## **WIZARA YA KILIMO:**

### **91. MHESHIMIWA DKT. RASHID MOHAMED CHUACHUA (MASASI):**

Atamuuliza Mheshimiwa Waziri wa Kilimo:-

- (a) Je, ni lini Serikali itaondoa kabisa malalamiko yanayotokana na makato, rushwa, uwazi na matatizo mengine yaliyopo katika mfumo mzima wa ununuzi wa zao la Korosho;
- (b) Je, ni lini Serikali itaondoa utaratibu wa Wakulima kulipwa mara mbili na badala yake walipwe pesa zao mara moja na wasubiri bonasi baadae;
- (c) Je, ni lini Serikali itadhibiti usambazaji wa pembejeo kwa watu ambao siyo Wakulima wa Korosho.

### **92. MHESHIMIWA ALLAN JOSEPH KIULA (IRAMBA MASHARIKI):**

Atamuuliza Mheshimiwa Waziri wa Kilimo:-

Je, ni lini Serikali itachukua hatua za makusudi kutenga mitaji kwa Wakulima wadogo wadogo wa mazao ya Vitunguu na Alizeti katika Wilaya mpya ya Mkalama kupitia Benki za mikopo au ruzuku toka Serikalini.

## **WIZARA YA MAMBO YA NJE NA USHIRIKIANO WA AFRIKA MASHARIKI:**

### **93. MHESHIMIWA SAADA MKUYA SALUM (WELEZO):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Serikali nyingi duniani zinaunganisha “Diaspora” katika mikakati yao ya kukuza uchumi na huduma za kijamii:-

- (a) Je, Serikali imefanya mikakati gani ya kuunganisha “Diaspora” katika shughuli za kukuza uchumi na huduma za kijamii;
- (b) Je, ni kwa kiasi gani “Diaspora” imechangia uchumi wa nchi.

## **WIZARA YA KATIBA NA SHERIA:**

### **94. MHESHIMIWA JOSEPH ROMAN SELASINI (ROMBO):**

Atamuuliza Mheshimiwa Waziri wa Katiba na Sheria:- Wapo Wananchi wengi waliotuhumiwa na kushtakiwa katika Mahakama tofauti na kutozwa

faini na baada ya kulipa faini hizo wakakata rufaa Mahakama za juu kulalamikia hukumu hizo na Mahakama za juu zikawaona hawana hatia:-

- (a) Je, Serikali inayo kumbukumbu ya taarifa za Wananchi wa namna hiyo;
- (b) Na kama Serikali inazo taarifa hizo, Je, ni lini Wananchi hao watarejeshewa fedha zao.

#### **IV. HOJA ZA SERIKALI:**

#### **WAZIRI WA NCHI, OFISI YA MAKAMU WA RAIS (MUUNGANO NA MAZINGIRA):**

Kwamba, Bunge sasa likubali kupitisha Makadirio ya Mapato na Matumizi ya Ofisi ya Makamu wa Rais (Muungano na Mazingira) kwa Mwaka wa Fedha 2018/2019.

**DODOMA**  
**17 APRILI, 2018**

**S. KAGAIGAI**  
**KATIBU WA BUNGE**